

STJÓRNARTÍÐINDI B 71 – 1990

27. nóvember 1990

1241

Nr. 465

REGLUGERÐ

um veiðar í atvinnuskyni.

Veiðileyfi í atvinnuskyni.

1. gr.

Við veitingu veiðileyfa í atvinnuskyni koma aðeins til greina þau skip, 6 brl. og stærri sem veiðileyfi fengu samkvæmt 4. og 10. gr. l. nr. 3/1988, um stjórn fiskveiða 1988–1990 og ekki hafa horfið varanlega úr rekstri.

Bátar undir 6 brl. sem voru á skrá Siglingamálastofnunar ríkisins við gildistöku l. nr. 38/1990 koma til greina við veitingu veiðileyfa í atvinnuskyni enda hafi þeir haft gilt haffæris-skírteini við útgáfu veiðileyfis og eigi síðar en 1. maí 1991. Ennfremur sambærilegir bátar sem koma í stað báta minni en 6 brl. sem voru á skipaskrá 31. desember 1989 en farist hafa á árinu 1990.

Bátar undir 6 brl. sem ekki voru á skipaskrá Siglingamálastofnunar ríkisins við gildistöku l. nr. 38/1990, en fullnægjandi gögn um skráningu þeirra höfðu borist til Siglingamálastofnunar fyrir 18. júní 1990, eiga kost á veiðileyfi í atvinnuskyni, enda hafi þeir gilt haffæris-skírteini eigi síðar en 1. maí 1991.

Auk þeirra skipa, sem eiga kost á veiðileyfi í atvinnuskyni samkvæmt 1.-3. mgr. þessarar reglugerðar, gefst nýjum bátum undir 6 brl., sem smíði hefur verið hafin á fyrir gildistöku l. nr. 38/1990, kostur á veiðileyfi í atvinnuskyni enda hafi haffæris-skírteini verið gefið út fyrir 18. ágúst 1990.

Hverfi skip, sem veiðileyfi hefur fengið samkvæmt 1.-4. mgr. þessarar greinar, varanlega úr rekstri má veita nýju eða nýkeyptu sambærilegu skipi veiðileyfi í þess stað, enda hafi veiðiheimildir þess skips, er úr rekstri hvarf, ekki verið sameinaðar varanlega veiðiheimildum annarra skipa eða horfið til Hagræðingarsjóðs sjávarútvegsins, sbr. l. nr. 40/1990.

Heildaraflí.

2. gr.

Fyrir fiskveiðitímabilið 1. janúar 1991 til 31. ágúst 1991 skal heildaraflí, miðað við áætlaðan línuafli í janúar og febrúar og úthlutað aflamark úr helstu botnfisktegundum vera:

	Heildar- aflí (þús.lestir)	Áætlað utan aflamarks Línuafli (þús.lestir)	Úthlutað aflamark (þús.lestir)
1. Þorskur	245	7	238
2. Ýsa	40	1	39
3. Ufsi	65		65
4. Karfi	55		55
5. Grálúða	30		30
6. Skarkoli	7		7

Aflí samkvæmt ofangreindu miðast við óslægðan fisk með haus.

B 111

Prentsmiðjan Gutenberg hf.

3. gr.

Fyrir fiskveiðitímabilið 1. janúar 1991 til 31. ágúst 1991 skal úthlutun af úthafsrækju miðast við að afli verði 25.000 þús. lestir.

Til úthafsrækju telst veiði á rækju, sem veidd er utan viðmiðunarlínu, sbr. l. nr. 81/1976, að undanskildu svæði við Eldey, sem að sunnan markast af línu, sem dregin er réttvísandi 245° frá Reykjanesaukavita. Að vestan markast svæðið af 23°40'V og að norðan af 64°05'N.

Veiðar á úthafsrækju á Dohrnbanka vestan 26°V eru undanþegnar ákvæði 1. mgr. þessarar greinar og getur ráðuneytið sett nánari reglur um veiðar á þessu svæði.

Ráðuneytið getur enn fremur ákveðið að rækjuveiðar á einstökum svæðum skuli undanþegnar ákvæðum reglugerðar þessarar með tilteknum skilyrðum.

Úthlutun veiðiheimilda.

4. gr.

Samkvæmt ákvæði II til bráðabirgða í lögum nr. 38/1990 skal aflahlutdeild allra báta minni en 10 brl. af leyfilegum heildarafla neðangreindra botnfisktegunda vera jöfn aflahlutdeild þeirra af ársafla sömu botnfisktegunda árið 1989. Skipting afla milli fiskiskipa 10 brl. og stærri og fiskiskipa minni en 10 brl. var á árinu 1989 sem hér segir:

Tegund	Fiskiskip 10 brl. og stærri		Fiskiskip minni en 10 brl.		Heildarafl þús. lestir
	þús. lestir	%	þús. lestir	%	
Þorskur	309.085	87.09	45.833	12.91	354.918
Ýsa	57.342	92.70	4.515	7.30	61.857
Ufsi	77.510	97.17	2.254	2.83	79.764
Karfi	91.483	100.00	0	0	91.483
Grálúða	58.332	100.00	0	0	58.332

Þrátt fyrir þessa skiptingu á aflahlutdeild báta minni en 10 brl. og fiskiskipa 10 brl. og stærri skal skerða aflahlutdeild allra fiskiskipa hlutfallslega er nemur áætluðum afla þeirra báta sem fá úthlutað meðal aflahlutdeild samkvæmt 5. og 6. gr. þessarar reglugerðar.

Um aflahlutdeild af skarkola fer samkvæmt ákvæðum 6. gr.

5. gr.

Við úthlutun aflamarks til skipa 10 brl. og stærri gilda ákvæði til bráðabirgða I og IV í lögum nr. 38, 15. maí 1990, um stjórn fiskveiða, sbr. 14. gr. laga nr. 3, 8. janúar 1988, um stjórn fiskveiða 1988–1990 og 11. gr. laga nr. 38, 15. maí 1990 um stjórn fiskveiða. Við ákvörðun aflamarks af þorski, ýsu, ufsa, karfa og grálúðu skal leggja til grundvallar úthlutun aflamarks á árinu 1990 samkvæmt rg. nr. 585/1989 en um úthlutun aflamarks á skarkola fer eftir ákvæði 6. gr. reglugerðar þessarar. Við úthlutun aflamarks af úthafsrækju skal leggja til grundvallar úthlutun á árinu 1990 samkvæmt rg. nr. 586/1989, sbr. rg. nr. 336/1990 og rg. nr. 444/1990.

Við útreikning á aflahlutdeild af botnfiski og úthafsrækju fyrir einstök fiskiskip 10 brl. og stærri skal byggt á flokkun skipanna í sóknarmarksflokka, sbr. rg. nr. 585/1989, eins og hún var í upphafi ársins 1990. Við mat á því hvort fiskiskip fái bætur samkvæmt 1. ml. 3. gr. ákvæðis til bráðabirgða I skal byggt á eftirfarandi verðmætahlutföllum: þorskur 1,00, ýsa 1,21 ufsi 0,57, karfi 0,52, grálúða 0,77 og úthafs rækja 1,00.

Skipum, sem stunda loðnuveiðar og skipum sem stunda úthafs rækjuveiðar sem sérhæfð rækjuveiðiskip skal fyrir árslok 1990 gefinn kostur á að velja milli aflamarks af botnfiski og aflamarks af úthafs rækju í samræmi við ákvæði rg. nr. 586/1989, sbr. rg. nr. 336/1990 og rg. nr. 444/1990. Ræður það val aflahlutdeild þessara skipa. Loðnuskipum sem velja aflamark af úthafs rækju ber jafnframt að tilkynna hvernig óskað er að meðafli af botnfiski skiptist milli

einstakra tegunda og er það val bindandi. Sama gildir um sérhæfð rækjuveiðiskip sem sæta lámarksaflamarki af botnfiski. Reynist tilkynningar um val á botnfisktegundum af meðafla vera í verulegu ósamræmi við veiðireynslu skipanna á undanförunum árum og raska því aflahlutdeild skipa í flotanum getur ráðuneytið ákvarðað þessa skiptingu með hliðsjón af veiðireynslu.

6. gr.

Leyfilegum heildarafla af skarkola, sbr. 2. gr. skal úthlutað til einstakra fiskiskipa miðað við aflareynslu þeirra á tímabilinu 1. september 1987 til 31. ágúst 1990.

7. gr.

Aflahlutdeild báta minni en 10 brl. sem veiðileyfi fá í atvinnuskyni skal ákveðin þannig:

1. Hafi bátur fengið aflahámark árið 1990, sem byggir á veiðireynslu árána 1985–1987 skal honum úthlutað aflahlutdeild í ársbyrjun 1991, sem byggir á þeirri reynslu. Hafi bátur, sem fékk veiðileyfi árið 1990 með aflahámarki, sem byggði á veiðireynslu árána 1985–1987 verið seldur fyrir gildistöku laga nr. 38/1990 skal samstarfsnefnd sbr. ákvæði II til bráðabirgða við l. nr. 38/1990 fjalla sérstaklega um úthlutun aflahlutdeilda á nýjan bát í eigu sama aðila og gera tillögu til ráðuneytisins þar að lútandi.
2. Fyrir þá báta sem ekki fengu veiðileyfi með aflahámarki byggt á eigin aflareynslu árið 1990 skal aflahlutdeild þeirra byggð á meðaltali tveggja bestu árána 1987–1989. Þó skal einungis byggja á veiðireynslu árána 1988 og 1989 hafi veiðireynsla ársins 1987 verið lögð til grundvallar við úthlutun aflahlutdeilda samkvæmt 1. tl. þessarar greinar. Hafi bátur komið nýr eftir 31. janúar 1988 og hafi því ekki fulla aflareynslu á viðmiðunartímabilinu til að byggja aflahlutdeild sína á, skal samstarfsnefnd sbr. ákvæði II til bráðabirgða við l. nr. 38/1990 fjalla um úthlutun aflahlutdeilda og gera tillögur til ráðuneytisins þar að lútandi.
3. Hafi bátur 6 brl. eða stærri í fyrsta sinn fengið veiðileyfi eftir 31. desember 1989 skal honum úthlutað meðaflahlutdeild samkvæmt 10. gr. Sama gildir um nýja báta minni en 6 brl. sem hefja veiðar í fyrsta sinn eftir 31. desember 1989. Komi bátur í stað báts, sem horfið hefur varanlega úr rekstri, skal hann fá aflaheimildir þess báts.

8. gr.

Bátum undir 6 brl. sem skráðir voru á skipaskrá fyrir 31. desember 1989 og bátum undir 6 brúttótonnum, sem skráðir voru á skipaskrá eftir þann tíma, en fyrir 18. maí 1990 gefst kostur á að velja bindandi fyrir árin 1991–1993 leyfi til línu- og handfæraveiða með dagatakmörkunum í stað aflahlutdeilda sbr. ákvæði II til bráðabirgða í lögum nr. 38, 15. maí 1990, um stjórn fiskveiða.

Bátum, sem velja leyfi til línu- og handfæraveiða er óheimilt að stunda veiðar frá 1. janúar til 31. janúar, frá 23. mars til 1. apríl og frá 31. júlí til 9. ágúst að báðum dögum meðtöldum.

Óheimilt er að úthluta báti, sem fengið hefur leyfi með aflahlutdeild, síðar leyfi til línu- og handfæraveiða. Jafnframt er óheimilt að flytja til slíks báts veiðileyfi til línu- og handfæraveiða, frá öðrum báti, jafnvel þótt sá bátur hafi verið tekinn úr rekstri og teljist sambærilegur að öðru leyti.

Ekki er heimilt að veita nýjum eða nýkeyptum báti er kemur í stað báts sem fengið hefur leyfi til línu- og handfæraveiða veiðileyfi í atvinnuskyni sé ný báturinn 6 brúttótonn eða stærri.

9. gr.

Reynist heildaraflahlutdeild báta sem veiðileyfi fá samkvæmt 8. gr. reglugerðar þessarar hafa vaxið meira en sem nemur 25% að meðaltali á árunum 1991–1993 miðað við þá hlutdeild sem þeir áttu kost á árið 1991 skal þeim ákvörðuð aflahlutdeild frá og með upphafi þess

fiskveiðiárs er hefst 1. september 1994. Aflahlutdeild einstakra báta skal ákvarðast miðað við aflareynslu þeirra á tímabilinu 1. janúar 1991 til 31. ágúst 1994. Heildaraflahlutdeild þessara báta í upphafi fiskveiðiárs 1. september 1994 skal þó aldrei vera hærri en samanlögð hlutdeild sem þessir bátar áttu kost á 1. janúar 1991 miðað við heilt ár.

10. gr.

Meðalaflahlutdeild samkvæmt 1. málslíð 3. tl. 7. gr. miðast við stærðarflokka báta þannig:

Bátar minni en 2 brl.

Bátar 2,0 brl. og stærri, en minni en 4,0 brl.

Bátar 4,0 brl. og stærri, en minni en 5,0 brl.

Bátar 5,0 brl. og stærri, en minni en 6,0 brl.

Bátar 6,0 brl. og stærri, en minni en 8,0 brl.

Bátar 8,0 brl. og stærri, en minni en 9,0 brl.

Bátar 9,0 brl. og stærri, en minni en 10,0 brl.

Heimilt er að framselja meðalaflahlutdeild að liðnum fimm árum frá gildistöku l. nr. 38/1990 enda hafi bátum verið haldið til veiða það tímabil.

11. gr.

Við ákvörðun á því hvort bátur, sem veiðileyfi fær samkvæmt 2. mgr., 1. gr. þessarar reglugerðar geti fengið leyfi til línu- og handfæraveiða, sbr. 8. gr. skal miða við mælingu bátsins eins og hún var skráð hjá Siglingamálastofnun ríkisins 18. maí 1990.

Fyrir báta sem veiðileyfi fá samkvæmt 3. og 4. mgr., 1. gr. þessarar reglugerðar skal ákvörðun um veitingu leyfa til línu- og handfæraveiða miðast við stærð bátsins eins og hún var skráð við útgáfu haffærisskírteinis.

12. gr.

Pegar breyta skal óslægðum fiski í slægðan skal margfalda magn þorsks, ýsu og ufsa með 0.8, en grálúðu og skarkola með 0.92.

Pegar breyta skal slægðum fiski í óslægðan skal margfalda magn þorsks, ýsu og ufsa með 1.25, en grálúðu og skarkola með 1.09.

Ráðuneytið skal ákveða reiknistuðla til útreikninga á afla skipa sem vinna eigin afla um borð. Má við þá ákvörðun miða við aflanýtingu hvers einstaks skips eða meðalaflanýtingu ákveðins flokks skipa.

Við línuveiðar í janúar og febrúar reiknast 50% aflans ekki til aflamarks fiskiskipa.

Þorskur og ufsi styttri en 50 cm að lengd, ýsa styttri en 45 cm og karfi innan við 500 grömm að þyngd telst ekki að tveimur þriðju hlutum með til aflamarks fiskiskips, enda fari fiskur undir þessum lágmarksmörkum ekki yfir 10% af afla þessara fisktegunda í veiðiferð og fyrir liggja staðfesting frá matsmönnum eða vigtarmönnum um magn samkvæmt reglum er ráðuneytið setur. Þetta gildir ekki um afla sem frystur er um borð í veiðiskipi nema um heilfrystan fisk með haus sé að ræða. Allur fiskur sem veiddur er á handfæri telst þó til aflamarks.

Allan afla af botnfisktegundum sem sæta ákvæðum um leyfilegan heildarafla, sbr. 2. gr., sem fluttur er óunninn á erlendan markað skal reikna með álagi til aflamarks. Skal álagið vera 20% á þorsk og ýsu, 15% á ufsa, karfa og grálúðu en 10% á skarkola.

13. gr.

Skipa skal leyfilegum heildarafla botnfisktegunda á tímabilinu 1. janúar 1991 til 31. ágúst 1991 á milli skipa á grundvelli fastrar aflahlutdeildar hvers skips.

Reiknað skal hversu hátt hlutfall ársafla af hverri botnfisktegund hefur veiðst að meðaltali á fyrstu átta mánuðum ársins á árunum 1986–1988. Jafnframt skal reiknað fyrir hvern útgerðarflokk, sbr. 2. gr. rg. nr. 585/1989, um stjórn botnfiskveiða 1990, og fyrir hvern stærðarflokk smábáta, sbr. 10. gr. reglugerðar þessarar, hversu mikill hluti heildarársafla flokksins af hverri tegund hefur verið veiddur á fyrstu átta mánuðum ársins að meðaltali á árunum 1986–1988.

Hlutdeild hvers skips af heildarafla hverrar tegundar á tímabilinu 1. janúar til 31. ágúst 1991 skal vera föst aflahlutdeild skipsins af viðkomandi tegund deilt með hlutfalli átta mánaða heildarveiði af tegundinni en margfaldað með hlutfalli átta mánaða veiði útgerðarflokksins.

Hlutdeild einstakra skipa í heildarafla af úthafsækju fyrir fiskveiðitímabilið 1. janúar 1991 til 31. ágúst 1991 skal ákvarðast með sama hætti og um getur í 2. og 3. mgr. þessarar greinar.

Framsal og sameining veiðiheimilda.

14. gr.

Flutning á aflaheimildum samkvæmt 11. og 12. gr. laga nr. 38/1990 skal tilkynna ráðuneytinu skriflega fyrirfram. Þinglýstur eigandi þess skips, sem aflaheimildir eru fluttar frá, skal undirrita beiðni um flutning. Við varanlegan flutning á aflahlutdeild samkvæmt 11. gr. laga nr. 38/1990 skal leggja fram veðbókavottorð þess skips sem flutt er frá, ásamt samþykki þeirra aðila, sem veð eiga í skipinu 1. janúar 1991. Flutningur aflahlutdeildar öðlast ekki gildi fyrir en staðfesting ráðuneytisins liggur fyrir.

Oheimilt er að framselja þann hluta aflahlutdeildar skips, sem rekja má til uppbóta samkvæmt ákvæði I til bráðabirgða í l. nr. 38/1990. Séu veiðiheimildir skips, sem uppbætur hafa fengið, sameinaðar varanlega aflahlutdeild annars skips falla uppbætur niður nema fyrir liggi yfirlýsing þinglýsts eigenda um að skipið verði tekið af skipaskrá og réttur til endurnýjunar þess falli niður.

Við mat á því hvernig veiðiheimildir eru nýttar, sbr. 4. mgr. 12. gr. l. nr. 38/1990 skulu verðmætastuðlar fyrir fiskveiðitímabilið 1. janúar 1991 til 31. ágúst 1991 vera eftirfarandi: Þorskur 1.00, ýsa 1.21, ufsi 0.57, karfi 0.52, grálúða 0.77, skarkoli 0.94, loðna 0.07, síld 0.19, humar 14.43, rækja 1.83 og hörpudiskur 0.50. Ofangreindir verðmætastuðlar gilda einnig varðandi færslu milli tegunda, sbr. 10. gr. laga nr. 38/1990 eftir því sem við á. Jafnframt skulu þeir hafðir til hliðsjónar við mat á því hvort um jöfn skipti sé að ræða, sbr. 1. mgr. 12. gr. laga nr. 38/1990.

Endurnýjun fiskiskipa.

15. gr.

Fyrir þilfarsskip úrskurðar ráðuneytið hvort um sambærileg skip sé að ræða samkvæmt 5. mgr. 1. gr. þessarar reglugerðar. Við mat á því skal leggja til grundvallar rúmtölu skipa sem er margfeldi eftirgreindra hönnunarmála:

1. Lóðlínulengdar, sem er lárétt fjarlægð milli aftari lóðlínu, sem er lóðrétt lína er gengur í gegnum stýrisás og fremri lóðlínu, sem er lóðrétt lína er gengur í gegnum skurðpunkt stefnis og hönnunarvatnslínu.
2. Mótaðrar breiddar, sem er mesta breidd á miðbandi. Þversnið skipsgrindar, sem tekið er mitt á milli lóðlína, nefnist miðband.
3. Mótaðrar dýptar, að neðra þilfari, sem er lóðrétt fjarlægð frá neðra punkti miðbands við kjöl að efri brún þilfarsbita við byrðing.

Fyrir opna vélbáta gilda ofangreindar reglur eftir því sem við á en að öðru leyti vísast til 17. gr. þessarar reglugerðar um mat á stærð þeirra.

16. gr.

Rúmtala nýs skips má ekki vera hærri en rúmtala þess skips sem hverfur úr rekstri.

Sé það skip sem úr rekstri hverfur eldra en 12 ára má rúmtala hins nýja skips þó nema 100 m³ til viðbótar við rúmtölu eldra skipsins auk 25% álags á þá samtölu. Rúmtala hins nýja skips skal þó aldrei vera meira en 60% hærri en rúmtala þess skips er hverfur úr rekstri. Þrátt fyrir ákvæði 2. málslíðar þessarar málsgreinar má nýja skipið vera 5 rúmmetrum stærra.

17. gr.

Við útreikning samkvæmt 15. gr. skal byggt á gögnum tæknideildar Fiskifélags Íslands og Fiskveiðasjóðs Íslands. Við útreikning á skipum, sem hverfa úr rekstri, skal miða við upphaflegt hönnunarmál þeirra, að viðbætti miðjulengingu, enda hafi hún verið framkvæmd fyrir 1. janúar 1986.

Heimilt er að meta það sérstaklega, ef lögun skipsins er ekki hefðbundin. Sama gildir þegar það er miklum vandkvæðum bundið að finna hönnunarmál samkvæmt 15. gr.

18. gr.

Eigi reglur 15.–17. gr. ekki við vegna þess að nýtt eða nýkeypt skip er annarrar gerðar en það skip er hverfur úr rekstri, skal meta afkastagetu og aflamöguleika skipsins sérstaklega.

19. gr.

Heimilt er með samþykki ráðuneytisins að taka tvö skip eða fleiri úr rekstri fyrir eitt nýtt skip. Leyfileg rúmtala hins nýja skips miðast við samtölu rúmtalna þeirra skipa er hverfa úr rekstri og reiknast þannig:

- a) Séu skipin sem hverfa úr rekstri eldri en 12 ára skal rúmtala þeirra lögð saman og skal viðbót sem nemur 100 m³ auk 25% álags bætt á þá samtölu. Rúmtala hins nýja skips skal þó aldrei vera hærri en nemur 60% af samanlagðri rúmtölu þeirra skipa er hverfa úr rekstri.
- b) Sé eitt eða fleiri af þeim skipum, sem hverfa úr rekstri, yngri en 12 ára, skal reikna sérstaklega, hversu stórt skip hefði mátt koma í þess stað samkvæmt ákvæðum 1. mgr. 17. gr. Leyfileg rúmtala hins nýja skips telst samtala þannig reiknaðrar heimildar og leyfilegrar endurnýjunar vegna skipa eldri en 12 ára, samkvæmt 2. mgr. 16. gr. eða a)-lið þessarar greinar, eftir því sem við á.

20. gr.

Séu heimildir 16.–19. gr. til stækkunar vegna endurnýjunar skips ekki fullnýttar er óheimilt að nýta það sem umfram er vegna annars skips.

Ráðuneytinu er þó heimilt, hafi verið gerður samningur við skipasmíðastöðvar um raðsmíði þriggja eða fleiri skipa að víkja frá ákvæði 1. mgr., enda séu skip þau, sem hverfa úr rekstri, sambærileg og jafnmörg þeim sem smíðasamningur er gerður um. Um heimild þessa skal setja nánari reglur í samráði við Fiskveiðasjóð Íslands.

21. gr.

Aðeins er heimilt að veita nýju eða nýkeyptu skipi veiðiheimildir samkvæmt 1. gr. í stað skips er hverfur úr rekstri, að skip það sem hverfur úr rekstri hafi verið strikað af skipaskrá Siglingamálastofnunar ríkisins.

22. gr.

Við yfirfærslu veiðiréttinda milli skipa skal nýju skipi í eigu sama aðila úthlutað sömu veiðiréttindum, sem eldra skipið hefði fengið, enda fullnægi nýja skipið þeim skilyrðum, sem sett eru fyrir úthlutun þeirra veiðiréttinda.

23. gr.

Óheimilt er án sérstaks leyfis ráðuneytisins að breyta nýjum og nýkeyptum skipum þannig að mál þeirra, sbr. 15. gr. aukist. Sama á við um ný eða nýkeypt skip sem veiðileyfi hafa fengið í fyrsta sinn eftir 1. janúar 1986, sbr. ákvæði rg. nr. 113/1988 og rg. nr. 51/1987.

Ýmis ákvæði.

24. gr.

Skylt er að hirða og koma með að landi allan afla, sem markaður er fyrir. Heimilt er þó að sleppa þorski og ufsa styttri en 50 cm að lengd og ýsu styttri en 45 cm sem fæst á handfæri.

25. gr.

Skipstjóra er skylt að halda fiski um borð í veiðiskipum aðgreindum eftir tegundum. Verði slíkri aðgreiningu ekki komið við vegna smæðar fiskiskips skal afli aðgreindur eftir tegundum við löndun. Ennfremur er skylt að láta vigta afla samkvæmt ákvæðum reglugerðar um vigtun sjávar afla.

26. gr.

Útgerðum skipa er skylt að senda sjávarútvegsráðuneytinu mánaðarlega skriflegar upplýsingar um afla á eyðublöðum sem ráðuneytið leggur til. Þá er skipstjórum skylt að halda sérstakar afladagbækur sem Hafrannsóknastofnunin leggur til og skal upplýsingum skilað mánaðarlega til stofnunarinnar. Vanskil á skýrslum samkvæmt þessari málsgrein varða leyfissviptingu án frekari viðvörunar.

Kaupendum afla er skylt að skila til Fiskifélags Íslands skýrslum um móttekinn afla samkvæmt gildandi reglum þar um.

27. gr.

Um álita- og ágreiningsmál varðandi úthlutun aflahlutdeildar samkvæmt 5. og 6. gr. reglugerðar þessarar skal ráðuneytið leita tillagna samráðsnefndar, sbr. 14. gr. laga nr. 38/1990.

Sérstök samstarfsnefnd samkvæmt 7. mgr. ákvæðis II til bráðabirgða í lögum nr. 38/1990 skal fjalla um álitaefni sem upp kunna að koma vegna úthlutunar aflaheimilda til báta undir 10 brl., sbr. 6.–11. gr. reglugerðar þessarar og um önnur álita- og ágreiningsefni og gera tillögur til ráðuneytisins um lausn þeirra.

28. gr.

Brot á reglugerð þessari varða viðurlögum samkvæmt ákvæðum laga nr. 3, 8. janúar 1988, um stjórn fiskveiða 1988–1990 og laga nr. 38, 15. maí 1990, um stjórn fiskveiða. Með mál út af brotum skal farið að hætti opinberra mála.

29. gr.

Reglugerð þessi er sett samkvæmt ákvæðum laga nr. 3, 8. janúar 1988, um stjórn fiskveiða 1988–1990 og laga nr. 38, 15. maí 1990, um stjórn fiskveiða, til þess að öðlast gildi 1. janúar 1991 og birtist til eftirbreytni öllum þeim, sem hlut eiga að máli. Jafnframt er felld úr gildi reglugerð nr. 113, 23. febrúar 1988, um veitingu veiðileyfa til nýrra og nýkeyptra skipa ásamt síðari breytingu nr. 539, 13. nóvember 1989.

Sjávarútvegsráðuneytið, 27. nóvember 1990.

Halldór Ásgrímsson.

Árni Kolbeinsson.